

Utunga Moni ki nga Tangata Maori.

Tari o te Poari Whenua Maori o te Takiwa Whenua
Maori o Waikato-Maniapoto,
Akarana, 13 o Mei, 1919.

HE Panuitanga tenei kia mohiotia ai ka tae atu tetahi
apiha o te Poari a nga wa ki nga wahi e huaina i raro
nei, ki te utu atu ki nga tangata Maori i nga moni e tika nei
kia utua ki a ratou mo nga taone me nga whenua e whaka-
haerea ana e te Poari:

Ki te Whare Kooti, i Te Kuiti, a te Mane, te 26 o nga
ra o Mei, a te 10 o nga haora i te ata.

Ki te Whare Kooti, i Otorohanga, a te Wenerei, te 28 o
nga ra o Mei, a te 9 o nga haora i te ata.

Ki te Whare Kooti, i Taumarunui, a te Taite, te 29 o
nga ra o Mei, a te 10 o nga haora i te ata.

C. E. MAKOMIKI, Perehitini.

HE PANUITANGA KI TE IWI MAORI.

Tari o te Minita o te Ora mo te Katoa.
Poneke, 10 a Aperira, 1919.

ITE ekenga mai i nga motu o tawhiti ki enei motu i
mua tata ake nei o te mate rewharewha uruta (*influenza epidemic*) he tino maha nga tangata o te iwi Maori me
te iwi Pakeha i hingahinga i taua mate. Kei tupono tera
ano taua mate e hoki mai, notemea kua pera hoki ki tetahi atu
motu. Na reira ko tatou me noho i runga i te tupato me te
noho tiaki ki taua mate. Ko te huarahi marama ia he whaka-
pai i nga kainga he tahi he horoi i nga whare he koko i nga
paru me nga kino ka hari ki wahi ke kia mamao atu i nga
kainga Maori me nga taone. Ki taku whakaaro hoki me
karanga he huihuinga ki ia takiwa ki ia takiwa a kia whaka-
tuturia he Komiti mo ia kainga huihuinga hei whakahau kia
whakaritea nga tikanga horoi i nga whare a hei tahi i nga
kainga kia takoto pai ai kia takoto ma ai. Me tahi ia whare
ia ruuma kia ma rawa, ko nga puehu me nga paru me koko
ki waho ka tapuke atu. Ko nga paru hoiho kau ranei me
whakawhaiti ka tahu ai ki te ahi. Ko nga whare me nga
taiepa poaka me whakapai ka tahi kia ma, ko nga paru me
tapuke atu. Ko nga paru manu katoa me tapuke atu. Ko
nga puna wai me nga korere wai me pai tonu te tiaki kei
taka he kino he paru ranei ki roto, kei tae ranei he manu he
kararehe ranei ki reira inu wai ai a ka kino te wai.

Me whakarite ki ia kainga ki ia kainga he whare hei hohi-
pera mo te tupono rawa ake o te hoki mai o taua mate e noho

rite ana he whare motuhake hei takotoranga turoro, e watea
ana ki tahaki ke o te nuinga o nga tangata. Ina tupono ki
taua wa me waiho kia kotahi tonu he tangata hei tomo ki
roto ki taua whare ara ko te tangata e whakaritea ana hei
kai-tiaki mo taua whare.

Mehemea ka rite a ka hangai hoki te whakahaere i enei
tikanga katoa e tino mohio ana au e kore e rite te whiu a
taua mate a muri ake nei ki tona whiu i tona taenga mai ka
hori ake nei. Na reira, ka inoi ahau ki nga rangatira Maori
katoa me te iwi nui kia tahuri kia awahina i tenei mahi tino
nui. Kua e waiho kia eke rawa mai te hoa riri ki runga
ki te pac ka korikori ai. I tawhiti ano ia e haere ana mai e
hopu ana to ringa ki te patu. To patu ki to ringa mau ai
inaia nei.

G. W. RUSSELL,
Minita mo te Tari Whakaora.

T. H. A. VALINTINE,
Apiha Tumuki o te Tari Whakaora.

CONTENTS.

LANDS--	PAGE
Proclaiming Native Land to be Crown Land ..	307
Declaring Native Land to be inalienable ..	307-308
Extending Prohibition of Alienation of certain Native Land other than Alienation in favour of the Crown	308
Partial Revocation of Order in Council prohibiting all Alienation of certain Native Land other than Alienation in favour of the Crown ..	308
Taking Land for Public Works ..	308-309
NOTICES--	
Native Interpreter appointed ..	309
Sitting of the Native Land Court at--	
Tauranga	309
Te Puke	310-311
Whanganui	311-312
Te Araroa	312-315
Meetings of Maori Land Boards--	
Waikato-Maniapoto District, at Thames	316-318
South Island District, at Picton ..	318
Meetings of Assembled Owners--	
Aotea District	319
Tairarawhi District	319
Tokerau District	319
Payment of Moneys to Natives ..	320
Precautions regarding Influenza ..	320

I taia i runga i te Mana o te Kawanatanga o Niu Tireni, e MAKANA MAKA, Kai-ta a te Kawanatanga, Poneke.